

EDISANA EBIET: EDINAM-ASANA
Exodus 30:1-10; 40:22-28; Leviticus 4:1-12; 6:30; Mm Hebrew 13:11, 12
ỌYỌHỌ UKPEP-ŃKPỌ 73

Eke Ikpọ Owo

IKỌ IBUOT: “Mmọdo Jesus ńko akakpade ke edem inua-otop obio, man Enye anam mbio-obio esana ke Iyip Esiemọ” (Mm Hebrew 13:12).

I Mm Mbana Ye Mm Utom Ke Edisana Ebiet

1. Itie-uwa gold emi ekesifopde incense okodu ke Edisana Ebiet, Exodus 30:1-6, 26-29; 37:25-28; 39:33, 36-38; 40:5, 26-28
2. Ekisifop incense ke ini ufop mme uwa idiok ido ye ke ini akam, Exodus 30:7-9; 40:27; Leviticus 16:11-13; Luke 1:10; Psalm 141:2; Eriyarare 8:1-4; Malachi 1:11
3. Ekisnam usio-isop ke abana nda-mmana idiok-ńkpọ ke itie-uwa gold, Exodus 30:10
4. Okpokoro uyo iso okodu ke itie esie ke ńkań edere-edere, Exodus 40:4, 22, 23; 37:10-16; 26:35
5. Uwuk utuenikań itiba okodu ke edem usuk, Exodus 40:24, 25; 37:17-24; 26:35

II Edisana Ebiet, Mbiet Edinam-Asana Ofuri-ofuri

6. Erinim Iyip ufak man eda eyet nda-mmana uduot idiok-ńkpọ ekedi ukem nte uwa idiok-ido, Leviticus 4:1-4, 13-15, 22-24, 27-29; Mm Hebrew 13:11, 12; Psalm 51:5-10, ńwed Mbon Ephesus 4:20-24; 5:25-27; Luke 1:74, 75; 2 ńwed Corinth 7:1; 1 ńwed Thessalonica 4:3; John 17:9-24; Mm Hebrew 2:11; ńwed Mbon Rome 6:6-12
7. Ekeno ufak idiok-ńkpọ ke erisime iyip, Leviticus 4:5-7, 16-18, 25, 30; 1 John 1:7; Mm Hebrew 9:19-22
8. Ekefop ikpohidem unam oro ke edem nna, Leviticus 4:8-12, 19-21, 26, 31, 32; 6:30; Matthew 27:31-33; Mm Hebrew 13:11, 12
9. Uyo iso ekedi mbiet udia spirit eke Iko Abasi, Leviticus 24:5-9; John 6:32-58; 1:1, 2
10. Uwuk-utuen-ikań gold ekedi mbiet Edisana Spirit emi anamde Iko Abasi ayama, Exodus 25:31-40; 27:20, 21; Numbers 8:1-4; John 1:4, 9; 8:12; 12:46; 2 ńwed Corinth 4:6; Eriyarare 1:4, 13; 4:5

SE EKPEPDE EBAÑA

Abasi Odu Ke Esit Ye Enyoń Ataya

Nnyin imokut ite ke Ataya ekedi akpan ebiet emi nditọ Israel eketuakde ibuot eno Abasi, ebiet emi Abasi okosobode ye owo ye ebiet emi owo akasańade ekpere Abasi. Ndida ikot Esie usuń ke eti edikpono, Abasi ama ono nsio-nsio idiño ye mme ńkpọ emi owo ekutde ke enyin emi akanamde mmọ efiok mme akpaniko emi edude ke erifak ye ima emi Enye amade kpukpru oruk owo. Ekekut mme idiño emi ke Ataya, emi ekebopde eto ke eno ima-esit ediwak owo (Exodus 25:2). Edi ńkpọ emi edemerede esit owo ndikut nte ke se ekeyomde ndida mbop enye nnyuń mbana enye ekedi se itode uwa edinyime esit ndimek ikot Abasi (Exodus 35:21-29).

Obubit enyoń uboń Abasi ofuk Ataya ke uwemeyo ye okoneyo ke ini mmọ esuk eyode ke akwa akai-ikot. Obubit enyoń emi akabare etie nte adaha emi adade nditọ Israel usuń ke isań mmọ ke Egypt, ekedi nte obubit enyoń ke uwemeyo, onyuń etie nte ikań ke okoneyo (Numbers 9:15-17). Ke ini Abasi okoyomde nditọ Israel etońo isań mmọ, obubit enyoń adaha ada ke Ataya onyuń asańa ekebem mmọ iso, tutu asańa okosim ke ebiet efen emi mmọ ekeđuokde odudu. Adaha obubit enyoń ke uwemeyo ekedi ńkpọ ukpeme, ndien adaha ikań ke okoneyo ekedi ńkpọ nda-usuń; edi “Shekinah”, me uńwana ke Ata Edisana Ebiet, ekedi “Oyohọ Eriyarade Idem Abasi, emi ediwak owo ekefiokde ete ke Abasi odu do.” Adaha obubit enyoń ye adaha ikań ekedi se Abasi okonimde ono Israel, edi “Shekinah” ekedi Enye Abasi ndidu do ke Idemesie ke Ata Edisana Ebiet emi akwa oku ikpoń-ikpoń ekesidukde ini kiet ke isua.

Usuń Nditiene Abasi

Anam-idiok eketiene Abasi ke enye ndida ńkpọ uwa idiok-ido man ono ke idiok-ńkpọ esie, emi ekewotde ke itie-uwa okpoho ke okure Ataya. Do ke eketua mkpofioke ebańa idiok-ńkpọ emi ekenamde; ema enyene mbuotidem enyuń enam usio-isop ke edisime iyip. Owo efen ikenyeneke ndibe ebiet emi, ndien enye ndifiak ntiene Abasi mbe ke ńkpọ emi ekutde ke enyin, ekenyene ndibe ke mme oku emi ekedide mme andida ke iso Abasi ke ibuot mme owo. Nnyin iyekut ite ke akwa ifioke ama odu ke uduak Abasi emi.

Owo kpukpru ini esiwak ndibem iso nsio utom ubok esie ńwut man enyene mfon Abasi, nte Cain akanamde ke ini enye akadade ńkpọ uwa esie edi. Abasi oyom owo asańa ekpere Imo ke mbuotidem man ekeme ndiwet nti item ke esit esie, emi edikemede ndińwam enye asańa ye Abasi onyuń okop inem ebuana Esie. Edi kpukpru ini owo

osuk afafiak edem. Se ekutde ke enyin ekedi se ifonde, edi mmọ ke idem mmọ ikpọn-ikpọn ikedighe usuñ emi enimde enọ erifak ye erifen nnọ emi etode Abasi. Mmọ ekedi idiọñ, mbiet, me ndise akwa nkpo uwa emi ekenyenede ndidi, ye eti erituak ibuot emi ekenyenede ndiyarade nnọ uduot owo ke edikem ini emi owo edituakde ibuot inọ Abasi ke spirit ye ke akpanikọ, ndien idighe ke ebiet me ini eke enimdenim (John 4:20-24).

Abasi okonim mme idiọñ emi ọnọ owo man ada enye usuñ, edi ifiok Abasi ama onim adaña abaña nte enyenede ndida mmọ nnam nkpo. Edieke ekpeyakde owo kiet-kiet emi etuakde ibuot ke Edisana Ebiet esime Iyip uwa idiok-nkpo esie ke iso ikpehe, ekpenyũ edori enye ke mme nduk itie-uwa gold emi edisana incense okodude, ikpebigheke mbemiso ofuri utuak ibuot akpabiara. Ekpekekabare edi ido me edinam; ndien ata mbuotidem ye eti spirit erituak ibuot nnọ Abasi ye nkabare-esit okpokosop. Erituak-ibuot nditọ Israel ikpekenyeneke ukpuhọre ye erituak-ibuot nnọ ndem eke mme idut Canaan emi ekedonde mmọ ndika nkada nnyene.

Edisana Ebiet

Ke ini owo akadade uwa idiok-nkpo aka man efen mme nkoi-nnam idiok-nkpo esie enọ enye, oruñ idiok nkpo okosuk ododu ke esit esie, nda-mmana idiok-nkpo emi okoyomde eyet esio. Emi edi utom emi enamde ke se ediọñde nte Edinam-asana Ofuri-ofuri. Ke ndida ndomo utibe idiọñ enọ mfon emi, Abasi ama ọnọ Israel Edisana Ebiet ke esit Ataya. Mme nkpo kiet-kiet emi ekeutde ke ubet emi akada ọnọ nkpo, onyũ ada ọnọ ukpeme utibe enọ mfon emi oyohode ye ubon. Edi mme oku ikpọn ekebe eduk Edisana Ebiet, nte mmọ emi etiede ke ibuot mbon owo. Owo emi akadade uwa usio-isop idiok-nkpo edi okodu ke ańwa esien obon akam. Sia enọ emi enye okobode okotode Abasi, nnyin imekeme ndikut ite ke ikedighe utip emi otode odudu esie me eke utom ubok esie; edi ekedi iboro akam esie emi enye okobonde ke mbuotidem ọnọ Abasi. Ke utọ usuñ emi, ifiok Abasi oyom eti usuñ erituak-ibuot nnọ Abasi ke akpanikọ ke ison emi.

Ke nkañ edere-edere itie-uboro, me Edisana Ebiet, ema enim okpokoro gold emi ekedade eto shittim enam. Ke enyon okpokoro emi, mme oku ema edori ebok uyo-iso duopeba ke udim iba emi esinede uyo itiokiet ke itie kiet, ye frankincense ke udim kiet. Mme oku ikpọn, nte ndisana owo, ekenyene ndita uyo emi ke Edisana Ebiet. Ekedi mbiet udia spirit eke Iko Abasi emi nnyin inyenede ke ini nnyin ima ikoro idiọñ oro oyohode ye ubon.

Ke nkañ usuk-usuk, me ke ufien ke ini oku okodude ema enim uwuk-utuen-ikañ gold. Emi ama anam unwana odu ke esit nkim-nkim ebiet. Se ekekonde ke iso usuñ ye nkpo inañ emi ekefukde-fuk ekedi se misańake ye ata unwana uwemeyo. Emi edi mbiet Edisana Spirit emi anamde Iko emi otode ke esit owo emi ama akasana ofuri-ofuri ayama (Eriyarare 1:4; 4:5).

Itie-Uwa Gold

Ke ufot, ke iso akwa ikpehe emi akabaharede Edisana Ebiet okpọn Edisana Ndisana Ebiet, itie-uwa gold ufop incense ama odu. Owo ikofopke uwa ke itie-uwa oro. Ekenim enye enọ ndida mfop incense ediyak idem nnọ. Ekedi ata edibiat ibet edieke ekpefopde esen incense me esen ikañ ke esit, me owo kiet ekededi ndibot utom mme oku nnam, me owo kiet ekededi ndifop edisana incense, mme ndida nnam utom kiet ekededi. Ema ewot Nadab ye Abihu ke mmọ ndifiak nnam oruk ndudue emi (Leviticus 10:1, 2). Ema eto Edidem Uzziah ye akpa-mfia ke oyoho ikata (2 Chronicles 26:16-21); ubiomikpe mkpa ekedi se edade edian ke oyoho ikanañ (Numbers 16:35-40).

Edifop incense ke itie-uwa gold eketie ukem-ukem nte akam emi ndisana owo ebonde (Psalm 141:2; Malachi 1:11; Eriyarare 8:3, 4), ndien ama emehe mme owo ndibon akam ke ańwa esien ke ini oku okofopde uwa (Luke 1:10). Edisuk nka iso nnyene edinam utebe emi okodokde edi mbiet edinyene ebuana kpukpru ini (1 Nwed Thessalonica 5:16-18), emi okotonode ke akamba idaha ke ini ema ekenam esit asana, enyũ esio nda-mmana uduot idiok-nkpo efep; ndien uduot Abasi, oro edi edinen-ido ye ata edisana uwem edi se ifiakde ida itie (Nwed Mbon Ephesus 4:24; Nwed Mbon Colossae 3:10). Ntotuñ ebuana emi odu ke esit emi ema ekenam asana.

Uwa Idiok-ido

Man oto do esio nda-mmana idiok-nkpo efep, ekenyene ndiduok iyip (Mme Hebrew 9:22); emi ekedi se Abasi onimde ke ini ewade uwa emi Israel ekekotde uwa idiok-ido. Ke uwa usio-isop, ekewot nkpo uwa ke itie-uwa okpoho. Oruk uwa emi ke Abasi okofik, ndien oto ke emi owo ekekeme ndida uwa idiok-ido ndi man eda oro esohi nda-mmana idiok-nkpo efep. Akana nte ukpuhore odu ke usuñ nte ewade uwa, koro ukem uwa oro ndidu ke itie mbiba ekpenyene ndida ndutime ndi ke mme mbiet edinam oro.

Ekewot nkpo uwa idiok-ido ke itie-uwa okpoho. Ndien eda iyip oro eduk ke Edisana Ebiet enyũ esime utim ikatiaba ke iso ikpehe, enyũ edori enye ke itie-uwa gold. Ema enọ usio-isop ke ema ekenam emi ema, ndien ema eyet owo oro asana me otu emi edade enọ uwa oro. Ndien mme ikpohidem nkpo uwa ekedi se efopde ke edem nna. Jesus nte nkpo uwa eke ofonde ama, ekem ke kpukpru oruk uwa usio-isop. Etiñ enọ nnyin ke Mme Hebrew, ete ke ema efop kpukpru ikpohidem mme unam emi ekedade iyip eduk ke Edisana Ebiet ke edem nna, emi ada ọnọ mkpa Christ ke edem inua-otop Jerusalem man eyet nnyin isaña (Mme Hebrew 13:11, 12).

Nnyin imakama Christ ison eti-eti ke abaña uwa erifak Esie, koro ke Calvary, Enye ama anam erinyaña nnyin akabare edi mmem-mmem. Oyoho erinyaña odonọ kpukpru mme mfon emi nnyin ibode, ototonode ke ini emi Abasi

esinde ubiomikpe ke esit nnyin, onyũn ada nnyin ọ̀sọ̀k Christ tutu eda nnyin edọ̀k ndikosobo ye Enye ke ikpehe ofum. Owo emi akasiakde ufọ̀k-Abasi Apostolic Faith ama esidọ̀họ ete ke ata ọ̀yọ̀họ-ọ̀yọ̀họ edinam-asana edi ata akpan ñkpọ ke uwem anditiene-Christ, koro edieke edinam-asana miduhe, baba owo kiet idikwe Ọ̀bọ̀n (Mme Hebrew 12:14).

Satan enyene mbiet mme idiọ̀nọ man ekeme ndida mbiaña, edi sia se edade edomo edinam-asana miduhe, enye otibe usuñ efen man etie ukem-ukem nte idiọ̀nọ emi. Enye inọ̀họ ndusuk owo, edi ọ̀suhọre idaha ọ̀nọ mbon efen, onyũn abiat mme ukpẹp-ñkpọ Ñwed Abasi ke ndinam owo ada abiaña nte akpanikọ. Edi nnyin imọ̀kọm Abasi koro akpanikọ Esie ke osuk ododu ke ererimbot, ndien mmọ emi eyomde ọ̀yọ̀họ-ọ̀yọ̀họ edidiọ̀n Abasi ekeme ndinyene ọ̀yọ̀họ enọ-mfọn iba emi, ke esiode oro efep owo ikemeke ndibe nduk ke Edisana Ndisana Ebiet, ndien uduọ̀k-mmọn Edisana Spirit ye ikañ ikemeke ndida itie.

MME MBUME

1. Tiñ nte Edisana Ebiet okokponde.
2. Nso enyiñ efen, ke enọ Edisana Ebiet ke Ñwed Mme Hebrew?
3. Nso ikọnọ uñwana ke Edisana Ebiet? Eda nso edomo ye uñwana emi?
4. Udomo ini didie ke ekekpuhọ uyo iso? Nso ke enye akada ọ̀nọ?
5. Nso ñkpọ ke ekewa ke itie-uwa gold? Nso ñkpọ ke enye akada ọ̀nọ?
6. Ke ini ekesimede iyip usio-isop idiọ̀k-ñkpọ ke iso ikpehe enyũn edade ndusuk edori ke nnuk itie-uwa gold, oro akada ọ̀nọ nso?
7. Ekanam didie ye ikpọhidem unam emi ekedoride iyip esie ke itie-uwa gold? Siak itie ke Obufa Ediomimi emi etiñde ñkpọ abaña emi.
8. Anie ekebe oduk ke Edisana Ebiet? Nso ñkpọ ekedi se mmọ ekpenamde mbemiso mmọ edot nte ekpedukde ke Edisana Ebiet?
9. Tiñ ukpuhọre emi odude ke edinam itie-uwa erifen mme idiọ̀k-ñkpọ ye eke edinam usio-isop idiọ̀k-ñkpọ emi edide ndisana ke esit idem.
10. Nso idi ntak emi mbiet edinam-asana miduhe kpa nte emi Satan anamde ke utebe-ikpe ye uduọ̀k-mmọn Edisana Spirit ye ikañ?